



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Romam proficiscitur Pontifice mortuo; creatur Pius Quintns. cap. 9.

urn:nbn:de:hbz:466:1-10502

dedecore careret: propterea quod corruptis consuetudine animis, plerisque difficultis admodum videbatur: & ex voluntate, virtuteque sua quisque, vel ipsam rerum naturam ferè solet meriti. Carolus vero diuino auxilio fatus, spe maxima erat; maximoque animo omnia aggrediebatur, obibat, exequebatur, neque spes eum fecellit: ea namque fuit, Deo ita prouidente, omnium ad quos pertinebat in ea actione voluntas, & consensio; ut omnia prorsus feliciter euenirent. Gubernatori vero ipsi Carolus in primis mirificum pietatis testimonium tribuebat. qui licet religiosi animi laude, quem sua sponte rebus omnibus egregie praestabat, non sit fraudandus: plurimum tamen effecisse, dubium non est, Philippi Regis voluntatem; qui magnam voluptatem, frumentumq; ex ijs Caroli consilijs, actionibusque se capere cum affirmaret; praefectis etiam sui iusserat, ut ei omni officio, studioque praesto essent. His igitur de cauissis, qui actionis illius initia primo verebantur, exitum postea videntes, incitabantur ad imitationem. Pontifex ipse singula, quæ agebantur audiens, maximè letabatur; etenim videbatur eo tempore Caroli studijs eiusmodi magis, quam antea fauere: ac Sirleti Cardinalis cōsuetudine pene assidua delectabatur. Atq; inter alia de concione intra Misam habita cum accepisset; palam dixit, sibi quoq;, & Cardinalibus idem esse faciendum. cui quidem quam grata illa omnia fuerint, eius hæ literæ ad Carolum scriptæ testantur.

Pij Quarti
litteræ ad
Carolum.

Iucundissimæ nobis fuerunt litteræ tuæ omnes; sed postremæ inter cæteras, quas ad nos xviii. buius mensis die dedisti, tum de omni synodi istius felici progressu, tum præcipue de Tridentini Concilij decretis publicè recepis; de isto-

rum populorum preparatione ad ea omnia accipienda, quæ in synodo constituentur: & de prompta item Gubernatoris, & aliorum Serenissimi Regis Catholici ministrorum voluntate; qui ad rerum decretarum usum, studium, atq; operam suam omnem pollicentur. Quia in rediunum auxilium perspicue agnoscentes; quod ardentii, optimoq; desiderio tuo, ad omnium rerum prospectatem, presto es; te collaudamus; hortamurq;, ut legitimo animo pergas optimæ constituere, & quæcumque possis laudabilia exempla edere. postea opportunitè Tridentum versus honoris causa obuiam Principibus seninis procedas; aliaq; præstes, quæ nos velle nosti. omnia autem te pro tua prudentia, & bonitate facturum non dubitamus. Dominus noster te seruet Romæ v. i. Cal. Nouembris M. D. LXV.

Romæ pre-
fiscitur.
Pontifice
mortuo,
creatur Pi-
us Quintus.
CAP. IX.

His rebus celeriter gestis; Carolo quam primum Romam erat redeundum, ita iubente Pontifice in primis: sed postulantibus etiam rebus ipsis, negotijsque ad vniuersam Ecclesiam pertinentibus: in quibus illud præcipuum erat, & grauissimum, ut in Tridentini concilij decreta conscriunda, contra frequentes, ardentesque multorum postulationes incumberet. Illud tamen est interpositum moræ; quod Cosmi Florentinæ, Senarumq; Ducis, & gentilis sui rogatu, Pontifex, cum proficieti Tridentum iussit, ad Ioannam Maximiani Imperatoris sororem excipendam, quæ Francisco Cosmi filio; & cum ea sororem Barbaram, quæ Alfonso Ferrarie Duci, sponsa erat. Dum autem Italæ Cæsarî sorores appropinquarent, paucos alios dies amplius nactus, nouos Carolus exceptit labores.

B b 2 res.



res . ecclesiæ , & sacra collegia multa canonicorum , ac virginum lustrauit , ac recognouit : ijs quæ in synodo constituerat , efficiendis , operam dedit . cadauera , quæ alte in ecclesijs collocata erant , deponi iussit ; & in primis , quæ Mediolanensem Principiam fuerant : de legibus quibafdam publicæ utilitatis cauſa ferendis egit ; de illa inter ceteras , quæ sumptibus moderaretur : de qua tamen nihil confectum est , ob iniecta quædam ex humanis rationibus impedimenta . Regijs demum fœminis obuiam profectus , ex itinere Episcopi Giberti illius inductus memoria Veronam venit : cum ei præsertim ecclesiæ tunc Augustinus Valerius Episcopus , quæ diligebat valde , atque obseruabat , præfesset . Ibi summo studio , parique animi submissione de Præsulis ipsius , ecclesiæque institutis ; de multis administrationis ecclesiastice partibus . exquisiuit : Giberti olim familiares , & alumnos diligenter interrogauit : quibus enim se totum tradiderat , omnia curæ pastoralis officia plene studebat condiscere . Dum autem Florentiam Ioannam deduceret ; circiter Nonas Decembris accepit de graui admodum Pontificis morbo . tum relictis omnibus , cursu Romanam contendit : atque ita mature peruenit ; vt auunculo adhuc viuo , non modo extremum suæ præsentiae solatium afferre , sed ipsa diuina salutis instrumenta necessario tempore potuerit adhibere . Ibi dicitur ante omnia statim medicos ad se vocasse , petijisseque , num spes vitæ reliqua esset : quibus negantibus ; tum adisse Pontificem , dixisseque ; nihil petijisse antea vñquam , quod ab eius benignitate , non accepisset : vnum adhuc petere , quod omnium minime sibi negari vellet . cum amississet Pontifex ; enixe petit , atque obsecrat ; quando spes vitæ prorogandæ omnis erupta et set , nihil aliud penitus eo tempore vellet , quam quæ ad animæ salutem pertinerent , cogitare . tum vero effecit , ne alius qui squam , vt se numero fit , aliena ingereret , molestiam exhiberet . ac pijs sermonibus , mira animi fortitudine , eum consolatus ; sacra diuini viatici , & extremeunctionis subsidiū præbuit : neque aliquo pietatis officio defuit , vsque ad extreum spiritum . In quo & accommodatam summo Pœnitentiariori muneri functionem ; & egregiam in anunculum , patremque summum pietatem ; tum vero præclaram iuuenis humana cuncta despicientis constantiam licuit agnoscere . Pontifice vero Id . mensis eiusdem mortuo ; ad noui Pontificis creationem ita se conuertit ; vt incommodorum suorum , quibus pro humana conditione vehementer angi debuerat , prorsus videretur oblitus . erat autem præcipua illius in eo negotio auctoritas ; ob magnum in primis Cardinalium numerum , qui à Pio creati , eius ductum erant de more secuturi . Atque ita se ille comparauit ; vt neque hominum voluntatis , quicumque illi essent , siue Principes , siue alii ; neque utilitatis propriæ sibi rationem esse habendam statueret ; quo diuina gloria , ac communibus Ecclesiæ commodis inserviret ; remque omniū grauissimā castissime administraret . itaque & in itinere , cum tentaretur à Principibus amicisque viris , quidquā agere penitus reculauit ; religione sacrarum legum impediri se affirmans , ne viuo Pontifice de successore ageret : neque illo mortuo , eos audire voluit , qui rationes , utilitate sive humanas sequi viderentur : quamuis homines viagari prudentiæ , cupiditatibusque dediti , factum eius reprehenderent ; pertinaciæque scilicet , ut immoderato religionis studio id trubuerent . Antequam sacram ingredieretur Conclavesphires ille quida n

animō sibi proposuit, qui viderentur Pontificatu digni; neque eum, qui postea electus est, vt eius intimi deinde cognoverunt, prætermisit. sed tamē mentem suam patefecit nemini: immo Francisco Crasso Cardinali, cum intraret, quærenti, quem crearent Pontificem; quem Deus elegerit, respondit; nihilque præterea aliud. Ingressus vero, quotidianis sacrificijs, assiduisque precibus, quantum poterat, opem à Deo in re tanta petebat. atque cum & proprio, & communī aliorum quorundam Cardinalium officio, quibusdam nominationibus satisfecisset; omne demum studium, curam, operamque in eo posuit, vt Pontifex Ecclesiæ daretur, qui pietate, vita sanctitate, doctrinaque plurimū prodeisset: qualem inter alios Michaelem Ghislerium ordinis Dominicani, Cardinalem Alexandrinū cognoverat. nam & eum amauit, & pluri mi fecit semper: & de vita, atque ecclesiæ suæ rationibus saxe consuluit. itaque nulla habita ratione, quid Carafarum ille causa facere fortasse posset, qui à Paulo quarto Cardinali esset factus quodue Pio eius auunculo parum gratus fuisset; Marco Sitico Cardinali Altempio secum adnitente, in eius omni conatu creationem incubuit, collegis qui sese ad eū applicauerant idem persuasit; & eosdem cum res prope perficeretur, secum retinuit; ne sibi forte quis eriperetur. atque ita quod volebat, Deo in primis efficiente, celeriter, obtinuit. Creatus est VII. Id^o Ianuarij anno M. D. LXVI. & Pius Quintus appellatus. Carolum in eo administrationis genere non satis peritum sese ostendisse; aut solerterem, ideoq; quod alij, non quod ipse mallet, euenisce, nonnulli iudicarunt. sed eorum qui diuersa sentiunt, spectatq; diuersum oportet esse iudicium. minus sagaciter, vel etiam prudenter eum curasse aliquid; & ideo non obtinuisse puta-

Pars III.

mus interdum; qui sibi æquo animo passus id fuerit eripi: contra, nec opinantem, & pene coactum admisisse; quod consulto sit secutus; ac non libenti solum, sed gaudenti etiam animo exceperit: id quod ijs sæpiissime euenit, qui perturbationibus liberis, diuina, non humana ratione ducuntur; plusque diuinæ prouidentiæ tribuunt, quam humanis artibus. Illud certum est, Pontificem sanctissimum, vel cum rerum suarum iactura Carolum quæsiuisse: ac demum etiam Dei benignitate fuisse consecutum. Eius electionis causa magna fuit piorum omnium letitia, magna Caroli probitatis commendatio: & ei Principes, Reges, priuati homines de re vndiq; sunt gratulati. Ipse vero tali electione letus; nihil habuit tamē antiquius, quam vt ad ecclesiam suam quamprimum pro veteri suo desiderio, & ex Concilij Tridentini constitutione, posset reuerti: licet ei^o animi paucos imitatores collegas haberet. A Pontifice maxime diligebatur. munerib; amplissimis in Vrbe præpositus erat. Principes eandem erga illū voluntatem conseruabant; neq; enim potestatis amplitudine, sed virtute nitebāt: nam & Rex Catholicis Germaniæ in fierioris clientelam ei tunc demum vltro detulit. Sed nihilominus secedere potius, & cōmissum sibi gregem custodire; simulq; spirituali, ac episcopali disciplina sese vtilius exercere maluit. immo licet opportunum tempus Romæ, per singularem Pontificis pie tatem offerretur, multa constituendi, quæ salutari essent toti Ecclesiæ documento, iamque nonnulla essent in manibus; immo Pontifex ipse manere propemodum iuberet: tamen reputans, quāti referret ad ceteros omnes in eo genere commouendos, primarios Ecclesiæ pastores apud greges suos, vti recenti etiam Tridentino decreto sanctū, erat, residere; debitumque illis officium coram præ-

B b 3 flarcæ

flare lectissimum etiam virorū co-
filio cōfirmatus; posthabitū alijs om-
nibus, constituit ad Mediolanensem
gregem redire: concedente interim
ea conditione Pontifice, ut proximo
reuerteretur autumno; qua se ille
conditione, bona deinde Pontificis
ipsius venia, rursus iuitat^s, exoluit.
Prius verò quam discederet; Cate-
chismum, quem auunculi iam aucto-
ritate iusslerat inchoari, perficiendū;
& Breuiarium item, Missalemque li-
brum restituendum curauit. nonnulla,
quæ Mediolani statuerat, ut aucto-
ritate pontificia confirmarentur esse
cīt; de quibus ipsæ pontificiæ consti-
tutiones extant. literas quoque Pon-
tificis obtinuit ad Principes, in quo-
rum ditione prouincia Mediolanen-
sis ecclesiæ fuit; ut rerum decretarū
vsum, & totum conformandæ ecclæ-
siæ negotium iuarent. Quæ quidem
omnia, ut obtinerentur, parum habe-
bant difficultatis; cū ipse per se Pon-
tifex ad omnes rectæ disciplinæ par-
tes restituendas animo valde paratus
esset; & Carolum plurimi sacerdoti. im-
mò vero eorum occasione, quæ Me-
diolani confirmando erant, plura con-
stituit Ecclesiæ Catholice maximè
profutura: ea quoque Carolus Pon-
tifici; memoriam eius potius, quam
voluntatē iuans, monita libere sup-
peditauit; quæ utilia in primis iudi-
cabat Ecclesiæ Dei. Huiusmodi fue-
runt, quæ ab amico Pontifice Cardi-
nalisi optimè de illo meritus recenti
creatione sibi, suisque postulauit, at-
que impetravit. Illud etiam in discip-
su fecit, iam disciplinæ omnis exequē-
dx, maiori quam antea desiderio ac-
census; ut nouum familiæ delectum
haberet, eamque ferè ad homines ei
disciplinæ, quam sibi proposuerat,
accommodatos redigeret: quorum
mores, ex episcopali, domo, quas ex
edito quodam loco ceteris exemplo
esse possent: quique non tam gratiam
hominum, suisque utilitatem, quam

res Deo gratas, sibiique, & alijs verē
salutares sequerentur. quæ res fecit,
vt magna veteris familiæ pars ab eo
discederet: aliqui etiam Mediolanum
profecti, postea Romanum rediret. sed
ille sibi iam, id quod necesse est, hu-
mana omnia posthabenda constitue-
rat, ut perfectam sequeretur episco-
palis vitæ degendæ rationem.

Mediolanum venit, Nonis Aprilis:
ac ad ea perficienda, quæ in prouin-
ciæ concilio anno superiore constitu-
ta erant, & ad ecclæ in omnes par-
tes, ex Tridentinæ synodi decretis re-
ctè componendam fese cepit exerce-
re. Iucundissima Carolo erat ea cura;
quo tamquam ex maximis fluctibus
in portum configerat; non otij qui-
dem, sed eius tamen negotijs; quo si-
cuti numquā aliud magis operosum,
assiduumque se habuisse; ita nullum
quoque suauius se expertum comme-
morabat. Mirum autem capiebat ex
eo fructum; quod ad meliorem cleri,
populiisque disciplinam, ad diuinis cul-
tus incrementum, ad domus suæ piæ
gubernationem, non mediocres fieri
quotidie progressiones videbat. ideo
que tum voce, tum literis quot antea
semper affirmauerat, fructus vberri-
mos, quos Episcopi in ecclæsijs suis
residentes ad crediti gregis salutem
percipere possent, tunc maximè cœ-
pit prædicare. Diuinorum officiorū
cultum, in Metropolitanæ præsertim
ecclæsiæ, mirum in modum diminutum,
cœpit restituere. sacrosanctæ com-
munionis in primis frequentiam quæ
tum per idoneos sacerdotes efficere
poterat, inducere studuit. in ecclæ-
sijs passim conciones sacras haberis
constituit; tum in ædium suarum sa-
cello vesperi tractatus luculentos, sup-
plicatione, musicaque suavitate conditos;
quo magnum ex nobiliori in-
uentute numerum, ut piè commoue-
retur, alliciebat. ex primarijs viuis
conflauit præclarum sodalitium in ec-
clesia sancti Ioannis, cuius institutus
est,

Mediolanum
reuerlus &
xsequitur
munera
sua.

CAP. X